

庚三有漏無漏法<sup>二</sup>

辛一有漏<sup>五</sup>

壬一標

壬二徵

壬三列

壬四釋<sup>二</sup>

癸一事相<sup>二</sup>

子一徵

子二列

癸二餘相<sup>二</sup>

子一總標列

子二隨別釋<sup>四</sup>

丑一隨眠相

丑二相應相

丑三所緣相<sup>三</sup>

癸一標義

寅二釋相

寅三簡非<sup>二</sup>

卯一簡<sup>二</sup>

辰一簡非有事

《瑜伽卷六十五》

言有漏者，謂若諸法，諸漏所生，諸漏麤重之所隨縛，諸漏相應，諸漏所緣，能生諸漏，於去來今為漏依止。與此相違，應知無漏。〈卷一百〉復次，由五相故，建立有漏諸法差別。

何等為五？

謂由事故、隨眠故、相應故、所緣故、生起故。

云何有漏法事？

謂清淨內色，及彼相依，不相依外色，若諸染汙心心所，若善、無記心心所等。

此有漏事，隨其所應，由餘四相說名有漏。謂隨眠故、相應故、所緣故、生起故。

若於清淨諸色，及於如前所說一切心心所中，煩惱種子未害未斷，說名隨眠，亦名麤重。

若彼乃至未無餘斷，當知一切由隨眠故，說名有漏。

若諸染汙心心所，由相應故，說名有漏。

若諸有事，若現量所行，若有漏所生增上所起，如是一切漏所緣故，名為有漏。

此中現在，名為有事；過去、未來，名非有事。若依清淨色識所行，名現量所行；

若餘所行，當知名非現量所行。若內諸處增上生起一切外處，名有漏所生增上所起。唯彼所緣當知有漏。

所以者何？若緣去來起諸煩惱，過去、未來非有事故，不由所緣說名有漏。

<p>辰二簡非現量 卯二釋 丑四生起相<sup>三</sup> 寅一約諸法辨 寅二約欲界繫辨 寅三約色無色繫辨 壬五結 辛二無漏<sup>四</sup> 壬一總標 壬二徵起 壬三列釋<sup>五</sup> 癸一由離諸纏 癸二由隨眠斷 癸三由染斷滅 癸四由見道斷 癸五由修道斷 壬四總結</p>	<p>若現在事非現量所行，如清淨色，及一切染汙、善、無記心心所，彼亦非煩惱所緣故，說名有漏。但由自分別所起相，起諸煩惱，非彼諸法為此分明所行境故。</p> <p>由生起故成有漏者，謂諸隨眠未永斷故，順煩惱境現在前故，於彼現起不如理作意故。由此因緣，諸所有法正生、已生、或復當生，如是一切，由生起故，說名有漏。</p> <p>又從一切不善煩惱諸異熟果，及異熟果增上所引外事生起，如是一切，亦生起故，說名有漏。又由無記色無色繫一切煩惱，於彼續生；彼所續生，亦生起故，說名有漏。</p> <p>如是名為由五相故，建立有漏諸法差別。謂由事故、隨眠故、相應故、所緣故、生起故。</p> <p>復次，由五相故，建立無漏諸法差別。何等為五？</p> <p>一、有諸法離諸纏故說名無漏。謂一切善、無記心心所所依、所緣諸色，及善、無記諸心心所。</p> <p>二、有諸法隨眠斷故，說名無漏。謂已永斷見、修所斷一切煩惱，所有諸善，及一分無記造色，若諸無記、若世間善諸心心所。</p> <p>三、有諸法由斷滅故，說名無漏。謂一切染汙心心所，彼不轉故，說名無漏。由彼不轉，顯了涅槃，即此涅槃說名無漏。</p> <p>四、有諸法是見所斷斷對治故，自性解脫故，說名無漏。謂一切見道。</p> <p>五、有諸法是修所斷斷對治故，自性相續解脫故，說名無漏。謂出世間一切修道及無學道。</p> <p>當知是名由五相故，建立無漏諸法差別。</p>
---	---

<sup>1</sup> 大正、陵本無「說名無漏」。